

## ԳԵՏԱԿԸ

- Ո՞ւր ես վազում  
Այդպես արագ,  
Ա՛յ դու կայտառ,  
Սիրուն գետակ:

5 Կանգ առ, խաղանք  
էս ծառի տակ:

«Ձէ՛, փոքրիկըս,  
Գնամ պիտի.  
Տէ՛ս ջաղացը

10 Գյուղի մոտի,  
Պետք է ուժ տամ,  
Որ պըտըտի:

Ցածն էլ հովտում  
Անուշահոտ

15 Ինձ են մնում  
Ծաղիկ ու խոտ,  
Հոգնած-ծարավ  
Տավարն ու հոտ:

Սառն աղբյուրը

20 Բարձրը սարի  
Դրանց համար  
է ինձ տալի  
Իր գով ջուրը  
Կըլկըլալի:

25 Իսկ կամուրջի  
Տակն էլ որ գա,

Կա լվացքը  
Պառավ կընկա,  
Պետք է լվամ՝  
30 Քանի լույս կա:

Դե՛, տեսնում ես,  
Մնան բարով,  
Ճամփաս ցանած  
Հազար գործով.  
35 Դադար չունեմ  
Ես մինչև ծով»: